

ԼԵՈՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

«23» դեկտեմբերի 2008թ.

N 915

ք.Ստեփանակերտ

**ԱՆՄԻՋԱԿԱՆՈՐԵՆ (ԽԱՂԱՍՐԱՀՈՒՄ) ԻՆՏԵՐՆԵՏ ԵՎ ՀՈՒՄՈՎ ԽԱՂԵՐԻ<sup>\*)</sup> ԿԱԶՄԱԿԵՐՊՄԱՆ ՀԱՄԱՐ ՆԱԽԱՏԵՍՎԱԾ ՀԱՄԱԿԱՐԳԻՉՆԵՐԸ ՀԱՐԿԱՅԻՆ ՄԱՐՄՆԻ ԿՈՂՄԻՑ ԴՐՈՇՄԱԿՈՐԵԼՈՒ, ԿՆՔԵԼՈՒ ԵՎ ՀԱՇՎԱՌԵԼՈՒ ԿԱՐԳԸ ՍԱՀՄԱՆԵԼՈՒ ՄԱՍԻՆ**

«Հաստատագրված վճարների մասին» Լեռնային Ղարաբաղի Հանրապետության օրենքի 81<sup>4</sup>-րդ հոդվածի 3-րդ մասին համապատասխան<sup>\*)</sup> Լեռնային Ղարաբաղի Հանրապետության կառավարությունը որոշում է.

1. Սահմանել *անմիջականորեն (խաղասրահում) ինտերնետ շահումով խաղերի<sup>\*)</sup>* կազմակերպման համար նախատեսված համակարգիչները հարկային մարմնի կողմից դրոշմավորելու, կնքելու ու հաշվառելու կարգը՝ համաձայն հավելվածի:

2. *(ուժը կորցրած է ճանաչել)<sup>\*)</sup>*

3. Սույն որոշումն ուժի մեջ է պաշտոնական հրապարակմանը հաջորդող օրվանից, իսկ ինտերնետ շահումով խաղերի կազմակերպմանը վերաբերող պահանջների մասով՝ 2009 թվականի ապրիլի 21-ից:

ԼԵՈՆԱՅԻՆ ՂԱՐԱԲԱՂԻ  
ՀԱՆՐԱՊԵՏՈՒԹՅԱՆ ԿԱՐԶԱՊԵՏ

Ա. ՀԱՐՈՒԹՅՈՒՆՅԱՆ

## ԿԱՐԳ

### ԱՆՄԻՋԱԿԱՆՈՐԵՆ (ԽՆՏԵՐՆԵՏ ՇԱՀՈՒՆՈՎ ԽԱՂԵՐԻ<sup>\*1)</sup> ԿԱԶՄԱԿԵՐՊՄԱՆ ՀԱՄԱՐ ՆԱԽԱՏԵՍՎԱԾ ՀԱՄԱԿԱՐԳԻՉՆԵՐԸ ՀԱՐԿԱՅԻՆ ՍԱՐՄՆԻ ԿՈՂՄԻՑ ԴՐՈՇՄԱՎՈՐՈՒՄԸ, ԿՆՔԵԼՈՒ ԵՎ ՀԱՇՎԱՌԵԼՈՒ

#### I. ԸՆԴՀԱՆՈՒՐ ԴՐՈՒՅԹՆԵՐ

1. Սույն կարգով կարգավորվում է *անմիջականորեն (խաղասրահում) ինտերնետ շահումով խաղերի<sup>\*1)</sup>* կազմակերպման համար նախատեսված համակարգիչները հարկային մարմնի կողմից դրոշմավորելու, կնքելու ու հաշվառելու գործընթացը:

2. *Անմիջականորեն (խաղասրահում) ինտերնետ շահումով խաղերի<sup>\*1)</sup>* կազմակերպման համար նախատեսված համակարգիչները դրոշմավորվում, կնքվում և հաշվառվում են <sup>\*1)</sup> ինտերնետ շահումով խաղերի կազմակերպիչների (այսուհետ՝ կազմակերպիչ) սպասարկման վայրի հարկային մարմնի (այսուհետ՝ սպասարկող ստորաբաժանում) կողմից:

#### II. ՀԱՄԱԿԱՐԳԻՉՆԵՐԻ ԴՐՈՇՄԱՎՈՐՈՒՄԸ, ԿՆՔՈՒՄ ԵՎ ՀԱՇՎԱՌՈՒՄԸ

3. Կազմակերպիչները մինչև գործունեություն սկսելը *անմիջականորեն (խաղասրահում) ինտերնետ շահումով խաղերի<sup>\*1)</sup>* կազմակերպման համար նախատեսված համակարգիչների դրոշմավորման, կնքման ու հաշվառման համար սպասարկող ստորաբաժանում են ներկայացնում՝

1) դիմում համակարգիչների դրոշմավորման, կնքման ու հաշվառման կտրոն (այսուհետ՝ հաշվառման կտրոն) ստանալու մասին՝ համաձայն ձևի,

2) <sup>\*1)</sup> ինտերնետ շահումով խաղերի կազմակերպման լիցենզիայի պատճենը:

Կազմակերպիչները դիմումում գործունեության իրականացման յուրաքանչյուր վայրում (հասցեն) և այդ (հասցեում) անհրաժեշտ հաշվառման կտրոնների թիվը նշում են առանձին-առանձին:

4. Սպասարկող ստորաբաժանումը դիմումն ստանալու օրվան հաջորդող 3 աշխատանքային օրվա ընթացքում կազմակերպիչին հատկացնում է հաշվառման կտրոն՝ դիմումում նշված թվին համապատասխան: Ընդ որում, հատկացվող հաշվառման կտրոնների թիվը չի կարող գերազանցել օրենքով սահմանված կարգով ներկայացված ելակետային տվյալների վերաբերյալ հայտարարությունում նշված համակարգիչների թիվը:

5. Համակարգիչի դրոշմավորումն ու կնքումը կատարվում է համակարգիչի վրա հաշվառման կտրոն փակցնելու միջոցով:

6. Հաշվառման կտրոնը միակողմանի քարտի տեսքով ինքնասոսնձվող, մեկանգամ օգտագործման համար նախատեսված, խիստ հաշվառման փաստաթուղթ է: Հաշվառման կտրոնը ունի սերիա և չկրկնվող հերթական համար: Հաշվառման կտրոնի նմուշը հաստատում է Լեռնային Ղարաբաղի Հանրապետության կառավարությանն առընթեր հարկային պետական ծառայության պետը:

7. Մինչև հաշվառման կտրոնը կազմակերպիչին տրամադրելը սպասարկող ստորաբաժանման կողմից հաշվառման կտրոնի վրա լրացվում են՝

1) կազմակերպիչի անվանումը և հարկ վճարողի հաշվառման համարը,

2) հաշվառման կտրոն տալու ամսաթիվը, ամիսն ու տարեթիվը:

Նշված տվյալները լրացնելուց հետո հաշվառման կտրոնը կնքվում է սպասարկող ստորաբաժանման կողմից:

8. Կազմակերպիչի կողմից հաշվառման կտրոնը փակցվում է համակարգիչի վրա այնպիսի տեսանելի տեղում, որ համակարգիչի վերանորոգման ժամանակ այն չվնասվի:

Համակարգիչի վրա պետք է փակցված լինի չվնասված և ամբողջական հաշվառման կտրոն:

9. Համակարգիչի վրա փակցված կտրոնի վնասման դեպքում կազմակերպիչի կողմից այդ մասին գրավոր հայտնվում է սպասարկող ստորաբաժանմանը: Այդ համակարգիչի դրոշմավորումը, կնքումը և հաշվառումն իրականացվում է սույն կարգին համապատասխան:

10. Հաշվառման կտրոնները սպասարկող ստորաբաժանումների կողմից հաշվառվում են ըստ կազմակերպիչների և ըստ գործունեության իրականացման վայրերի (հասցեների)՝ Լեռնային

Ղարաբաղի Հանրապետության կառավարությանն առընթեր հարկային պետական ծառայության պետի սահմանած կարգով:

11. Սպասարկող ստորաբաժանման կողմից սահմանված կարգով դրոշմավորված, կնքված ու հաշվառված համակարգիչը գործունեության իրականացման այլ վայրում (հասցեում) օգտագործելու դեպքում, մինչև օգտագործվող համակարգչի տեղափոխումը գործունեության իրականացման այլ վայր (հասցե), կազմակերպիչը պարտավոր է այդ փոփոխության մասին գրավոր հայտնել սպասարկող ստորաբաժանմանը՝ նշված գործունեության իրականացման նոր վայրը (հասցեն), կտրոնի սերիան ու համարը և սույն կարգի 7-րդ կետում նշված տեղեկությունները:

12. *Անմիջականորեն (խաղասրահում) ինտերնետ շահումով խաղերի<sup>7)</sup>* կազմակերպման համար նախատեսված համակարգիչները կիրառումից (օգտագործումից) հանելու դեպքում (բացառությամբ նորոգման, սպասարկման կամ համանման այլ դեպքերի), անկախ կիրառումից (օգտագործումից) հանելու ժամանակահատվածից, դրա մասին կազմակերպիչը նախապես գրավոր հայտնում է սպասարկող ստորաբաժանմանը՝ նշելով համակարգչի վրա փակցված կտրոնի սերիան ու համարը, սույն կարգի 7-րդ կետում նշված տեղեկությունները և գործունեության իրականացման վայրը: Այդ դեպքում համակարգչի վրա փակցված կտրոնը պոկվում և ոչնչացվում է կազմակերպչի կողմից:

13. Կազմակերպիչների կողմից նոր համակարգիչներ, այդ թվում՝ կիրառումից (օգտագործումից) հանված, կիրառելու դեպքում այդ համակարգիչների դրոշմավորումը, կնքումը և հաշվառումն իրականացվում է սույն կարգին համապատասխան:

**ԼԵՈՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ  
ԿԱՌԱՎԱՐՈՒԹՅԱՆ ԱՇԽԱՏԱԿԱԶՄԻ  
ՂԵԿԱՎԱՐ- ՆԱԽԱՐԱՐ**

**Ս. ԳՐԻԳՈՐՅԱՆ**

պետ \_\_\_\_\_

Դ Ի Մ ՈՒ Մ

ՀԱՄԱԿԱՐԳԻՉՆԵՐԻ ԴՐՈՇՄԱՎՈՐՄԱՆ, ԿՆՔՄԱՆ ՈՒ ՀԱՇՎԱՌՄԱՆ ԿՏՐՈՆ ՍՏԱՆԱԼՈՒ

|   |  |
|---|--|
| 1. Կազմակերպչի անվանումը  |  |
| 2. Կազմակերպչի գտնվելու վայրը   |  |
| 3. Կազմակերպչի ՀՎՀՀ-ն   |  |
| 4. (հանվել է) <sup>*1)</sup>  |  |
| 5. Լիցենզիայի _____<br>(սերիան) _____ (համարը) _____ (տալու օրը, ամիսը, տարեթիվը) |  |
| 6. Հեռախոսահամարը   |  |

Համակարգիչների դրոշմավորման, կնքման ու հաշվառման համար խնդրում եմ հատկացնել հետևյալ թվով հաշվառման կտրոններ՝

| NN<br>ը/կ | Գործունեության իրականացման վայրը<br>(հասցեն) | Հաշվառման կտրոնների թիվը |         |
|-----------|--|--------------------------|---------|
|           |  | թվով                     | տառերով |
| 1.        |  |                          |         |
| 2.        |  |                          |         |
| 3.        |  |                          |         |
| 4.        |  |                          |         |
| ...       |  |                          |         |

Տնօրենի (պաշտոնատար անձի) \_\_\_\_\_  
(ստորագրություն) \_\_\_\_\_ (անուն, ազգանուն)

Կ.Տ.

Դիմումը ներկայացնելու ժամկետը \_\_\_\_\_ 200\_\_թ.

\*1) ԼՂՀ կառավարության 07.07.10թ. «Լեռնային Ղարաբաղի Հանրապետության կառավարության 2008 թվականի դեկտեմբերի 23-ի թիվ 915 որոշման մեջ փոփոխություններ կատարելու մասին» N 363-Ն որոշման խմբագրությամբ